

ՕԳՏԱԿԱՐ ԵՎ ՀԵՏԱՔՐՔԻՐ ՁԵՌՆԱՐԿՈՒՄ

1986 թ. սեպտեմբերի 9—15-ը մերձսովորական Ձվենիդորոգ քաղաքում ընթացան Երիտասարդ դիտականների համամիութենական դպրոցի աշխատանքները: Դպրոցի կազմակերպիչներն են ՍՍՀՄ դիտությունների ակադեմիայի ՍՍՀՄ պատմության ինստիտուտը, ՀամԼԿԵՄ Կենտկոմը, Համամիութենական «Գիտելիք» ընկերության վարչությունը: Դպրոցի նպատակն է երիտասարդ պատմաբան դիտականներին ծանոթացնել պատմագիտության նվաճումներին, միասնական ներկայացնելով նաև արդեն հայտնի և իրենց ճշմարտացիությունն ապացուցած կոնցեպցիաները: Դպրոցը կրում է թեմատիկ բնույթ: Այս անգամ նրա թեման էր «Դասակարգերը և դասակարգային պայքարը հայրենական պատմության մեջ: Սովետական երիտասարդության պատմական գիտակցության ձևավորումը»:

Աշխատանքների ծրագիրը կազմված էր հետևյալ սկզբունքով. յուրաքանչյուր օր նվիրված էր պատմական որևէ ժամանակաշրջանի: Առաջին զեկուցումը քննարկում էր դասակարգային պայքարի ուսումնասիրության մեթոդոլոգիական հարցերը և կոչվում էր «Դասակարգերի և դասակարգային պայքարի մարքս-լենինյան տեսությունը»: Այդ զեկուցումով հանդես եկավ պատմ. գիտ. թեմատիկ Լ. Դանիլովան: Հեղինակի զեկուցման հիմնական դրույթն այն էր, որ դասակարգային պայքարը մինչև բուրժուազիայի հանդես գալը կրել է տարերային բնույթ, զուրկ է եղել որոշակի ծրագրից, սոցիալական նորացման գաղափարից: Ե՛վ ստրուկների ապստամբությունները և՛ գյուղացիական պատերազմները, լինելով տիրող սոցիալական կարգի դեմ ուղղված ակտիվ բողոք, այդ կարգը վերափոխելու պահանջն ապաստակ չեն առաջադրել: Որոշակի ժամանակահատվածում հասնելով հաշտության տիրող կարգերի դեմ, ընդվզողները պահպանել են նույն սոցիալական կառուցվածքը, և դա էլ հենց եղել է նրանց պարտության ամենագլխավոր պատճառը:

Բուրժուազիան հանգես գալով որպես ինքնուրույն դասակարգ և սկսելով պայքարը հին հասարակարգի վերափոխման համար, ուներ որոշակի գաղափարախոսություն և սոցիալական նպատակ, որոնց դրույթներն այս կամ այն հե-

տեղականությամբ իրագործվեցին բուրժուական հեղափոխությունների և դրանցից հետո ընկած ժամանակաշրջանում: Սակայն ընդհանուր առմամբ դրանց իրագործումը մնաց անավարտ:

Դասակարգային պայքարի առավել բարձր, ավարտուն փուլը հանդիսացավ պրոլետարական էտապը: Պրոլետարիատը իր գաղափարախոսությամբ ներկայացնում էր հասարակության ամենալայն խավերի շահերը և շունք նախորդ դասակարգերին բնորոշ սահմանափակությունն ունենեցողականությունը: Սոցիալիստական հեղափոխության միջոցով հասնելով հաղթանակի և դառնալով հասարակության իշխող ուժ, պրոլետարիատը շարունակում է իրագործել նոր հասարակարգի կառուցման իր ծրագրային դրույթները և ապահովում առաջընթաց զարգացումը:

Պատմ. գիտ. թեմատիկ Կ. Դուրնովսկին իր «Դասակարգերի և կուսակցությունների պայքարի պատմության արտացոլումը պատմական գիտակցության մեջ» զեկուցումը նվիրել էր սովետական պատմագիտության մեջ անբավարար ուսումնասիրված մի հարցի: Զեկուցողը նշեց, որ մինչև այժմ մեր պատմաբանների ուշադրության կենտրոնում է գտնվել գերազանցապես շահագործվող դասակարգերի պատմությունը: Նման իրավիճակը հանգեցնում է պատմության ուսումնասիրության միակողմանիության: Ինչպես որ շահագործվող դասակարգն է ժամանակի ընթացքում ամփոփում և կուտակում իր նախորդների պայքարի դասերն ու փորձը, այնպես էլ իշխող դասակարգն է իր համար անհրաժեշտ հետևություններ անում, որը նրան օգնում է իշխանությունը պահպանելու համար զենալ զիջումների, խուսաճումների, Իշխող դասակարգերի գաղափարախոսության էվոլյուցիայի ուսումնասիրությունը կամրոջացնի դասակարգային պայքարի պատմության լուսաբանումը:

«Դասակարգային պայքարի հիմնական էտապները և ձևերը» ֆեոդալական Ռուսաստանում (11—18-րդ դարեր)», այսպես էր կոչվում պատմ. գիտ. դոկտոր Կ. Բուրնովի զեկուցումը: Հեղինակն իր զեկուցումը հիմնականում նվիրել էր գյուղացիական ապստամբությունների (Ի. Բուլտոնիկովի, Ս. Ռազինի, Ե. Պուգաչովի զվառացումը) մի քանի հարցերի քննությանը: Այդ

ապստամբությունները դասակարգային պայքարի ակտիվ ձևի օրինակներն են՝ ի տարբերություն դրանց նախորդող շրջանի, երբ դասակարգային պայքարն առավելապես պասիվ բնույթ էր կրում (խնդրագրեր, բողոքներ և այլն)։ Գյուղացիական ապստամբությունները սկզբում ծագելով որպես կազակային խռովություններ, այնուհետև իրենց ուրուտն են ներառել բավականին լայն ժողովրդական զանգվածներ։ Սոցիալական լայն բազան էր, որ հնարավորություն էր տալիս մզել երկարատև զինված պայքար և հասնել հաջողության։ Սակայն այդ հաջողությունները կարճատև էին և գյուղացիական պատերազմներն անխուսափելիորեն դատապարտված էին պարտություն։

Դպրոցի աշխատանքի երկրորդ օրը նվիրված էր կապիտալիզմի ժամանակաշրջանում դասակարգային պայքարի հարցերի քննարկմանը։ Պատմ. գիտ. Թեոֆիլով Ս. Միտենկոյի զեկուցման թեման էր «Դասակարգային պայքարը և դեկարիզմի գաղափարախոսության էվոլյուցիան»։ Գեկարիզմը հանդիսացավ Ռուսաստանում դասակարգային պայքարի նոր փուլի սկիզբը, երբ պատմական ասպարեզ էր դուրս գալիս բուրժուազիան։ Հեղինակի առաջ քաշած գրույթն այն էր, որ դեկարիզմը, սկզբում ունենալով զեկականական գաղափարախոսություն, աստիճանաբար էվոլյուցիա է ապրել դեպի հեղափոխական-դեմոկրատիզմ՝ հանձին Դ. Ֆոմկիչի հայացքներին։

Բանվոր դասակարգի կազմավորման, կառուցվածքային փոփոխությունների ուսումնասիրության հարցերին էր նվիրված պատմ. գիտ. դոկտոր Վ. Լավրիչևի «Բանվոր դասակարգը հոտեֆորմյան Ռուսաստանում. մշակման արդյունքները և խնդիրները» զեկուցումը։

Պատմ. գիտ. դոկտոր Ա. Անֆիմովն իր «Գյուղացիությունը նախահեղափոխական Ռուսաստանի սոցիալական կառուցվածքում և 19-րդ դարի երկրորդ կեսի— 20-րդ դարի սկզբի հասարակական-քաղաքական պայքարում» զեկուցման մեջ նշեց, որ գյուղացիությունը միշտ էլ գտնվել է պատմաբանների ուշադրության կենտրոնում և այդ պրոբլեմն իր լուսաբանման մակարդակով զբաղվում է առաջին տեղերից մեկը։ Նման պայմաններում պետք է քննվեն հատկապես ճշտման կարիք ունեցող հարցերը։ Զեկուցողը պատմ. գիտ. աղբյուրների ընձեռած բոլոր փաստերը չեն, որ կարող են մեկնաբանվել որպես դասակարգային պայքարի արտահայտություններ։ Դա վերաբերում է հատկապես հրկիզումներին, որոնց զգալի քանակությունը այլ դրդապատճառներ ունեն։

Հասարակության սոցիալ-դասակարգային

կառուցվածքի հարցերին էր նվիրված նաև պատմ. գիտ. դոկտոր Ա. Կորեյիի «Ազնվականության տեղը և դերը 19-րդ դարի երկրորդ կեսի և 20-րդ դարի սկզբի Ռուսական հասարակության սոցիալ-դասակարգային կառուցվածքում» զեկուցումը։ Ա. Կորեյինը ևս շեշտեց շահագործող դասակարգերի պատմության ուսումնասիրության անհրաժեշտությունը և անբավարարությունը։ Այդ դասակարգերը հասարակական մեխանիզմի անբաժանելի մասերն են և չեն կարող ոչ անտեսվել և ոչ էլ դուրս գցվել պատմական պրոցեսից։ Նախկինում թույլ տրված նման մոտեցումները պետք է մերժվեն։

Պարբերական մամուլի օրգանները բնութագրելիս անհրաժեշտ է առաջնորդվել զբանցում հրապարակված նյութերի գաղափարական ուղղվածությամբ։ Այդ սկզբունքն էր համարում առավել օբյեկտիվը պատմ. գիտ. դոկտոր Բ. Բալունին իր «Պարբերական մամուլի օրգանների դասակարգային բնութագրման փորձը սովետական պատմագիտությունում» զեկուցման մեջ։

Նրբորդ և չորրորդ օրերին դպրոցը քննարկման առարկա դարձրեց դասակարգային հարաբերությունները սոցիալիզմի ժամանակաշրջանում։ Լավեցին հետևյալ զեկուցումները։ Տ. Օսիպովա՝ «Գյուղացիությունը քաղաքացիական պատերազմում», Ցու. Վ. Մուխալև՝ «Դասակարգային պայքարը և անցումային շրջանը ՍՍՀՄ-ում. ձևեր, օրինաչափություններ»։ Ն. Իվլիցկի՝ «Դասակարգային պայքարը գյուղում անցումային շրջանում», Յու. Շարապով՝ «Վ. Ի. Լենինը դասակարգային պայքարի ձևերի փոփոխման մասին ՆԺՊ-ին անցման շրջանում»։

Լավեցին նաև այլ զեկուցումներ։

Անցկացվեցին նաև կոլեկտիվներ՝ հետևյալ թեմաներով. «Դասակարգային պայքարի պրոբլեմները ֆեոդալական Ռուսաստանում», «Անդասակարգ հասարակության ձևավորման պրոբլեմները. պատմական ասպեկտ», «Սովետական արտաքին քաղաքականության դասակարգային բնույթը»։ Այդ կոլեկտիվները զեկավարում էին պատմ. գիտ. դոկտորներ Վ. Բուզանովը, Վ. Դմիտրենկոն, Ա. Պրոտոպոպովը։

Դպրոցի աշխատանքի վերջին օրը կազմակերպվեց «Կուր սեղան»՝ «ՍՄԿԿ XXVII համագումարը և սովետական հասարակության զարգացման հրատապ պրոբլեմները» թեմայով։ Այն զեկավարում էր պատմ. գիտ. դոկտոր Գ. Նսկովը։

Սեպտեմբերի 15-ին դպրոցն ավարտեց իր աշխատանքները։ Դպրոցի հերթական նստաշրջանը տեղի կունենա 1988 թ. և նվիրված կլինի ազգային հարցի լուսաբանմանը։

ՍԱՄՎԵԼ ՄԿՐՏՅԱՆ